

Parenting through separation

A FREE INFORMATION PROGRAMME FOR PARENTS

TE TIAKI TAMARIKI AHAKOA KUA MAWEHE
HE HŌTAKA KOREUTU MŌ NGĀ MĀTUA



MĀORI



"I tino pai ki a au tēnei hōtaka, nui atu anō tākū i ako"



He hōtaka pārongo utukore te hōtaka "Te Tiaki Tamariki ahakoa kua Mawehe" hei āwhina kia mahia e koe te mea pai rawa mō ō tamariki ina mawehe.

"I whakamātau ahau kia tika aku mahi mō aku tamariki engari i ngaro noa ahau i roto i āku take."

"Ina titiro ki muri kāore i pai aku whakataua mō aku tamariki...i hiahia āwhina ahau"

HE AHA NGĀ MEA KA TŪPONO I TĒNEI HŌTAKA?

"I whakaahurutia ahau kei runga ahau i te ara tika."

Ka uru koe ki tētahi rōpū iti o ētahi atu mātua (ki te 16 tāngata). Ka hoatu e tētahi Kaiārahi ētahi pārongo ki a koutou. Ehara tēnei i te rōpū tautoko, te wā tohutohu rānei, engari ka whai wā koe ki te tuku pātai mō ētahi take tiaki tamariki, ki te whakarite hoki i ēnei take.

"Kātahi te akoranga whakahirahira. He pai tonu ngā mema, he tuwhera."

"He whakatwhera kanohi, nui atu te uara."

Ngā kōrero a ētahi mātua kua haere ki "Te Tiaki Tamariki ahakoa kua Mawehe"



Ka hoaturia ētahi puka whakamārama me ētahi kōpaepae DVD utukore e rua hei mau māu ki te kāinga – kotahi māu, kotahi mā ngā tamariki. Kei ēnei kōpaepae DVD ētahi uiuitanga hōhonu o ētahi mātua, ētahi tamariki kua kite wheako i te mawehetanga. He nui tonu ngā tohutohu āwhina a tētahi tohunga hinengaro tamariki me tētahi kaitohutohu kei ēnei kōpaepae.

HE AHA NGĀ PĀRONGO O TĒNEI HŌTAKA?

Nā ētahi tohunga ngaio tēnei hōtaka i tuhituhi, ko tā rātou tino mahi ko te āwhina i ngā whānau ina kua mawehe ngā mātua.

“I pai rawa ngā pārongo, i āwhina hoki i ahau kia kite i te otinga tino pai rawa mō aku tamariki.”

E whakanuia mārikatia ana ngā pārongo me ngā tohutohu o te hōtaka e ngā mātua kua haere kētia. Kei roto i te ihirangi ko:

- te pānga o te mawehetanga ki ngā tamariki
- ngā mea e mateā ngā tamariki i te mawehetanga
- te kōrero tahi me ngā tamariki
- te kōrero tahi me ngā hoa-mawehe mō ngā whakaritenga e pā ana ki ngā tamariki
- te whakangungu i te tamariki i ngā tautohe
- te tikanga mahi o te Kōti ā-Whānau

“I riro i a au ngā pārongo katoa i hiahia au - nui atu.”

“Nā ērā atu mātua i mau i a au ētahi mea rahirahi i āwhina mai.”



KO WAI AKE ANŌ KA TAE KI TE HŌTAKA?

"He pai tonu te ako tahi me ētahi atu e haere ana te rite o tāku haere."

Nānoa nei te mawehetanga o ētahi e haere ana ki tēnei hōtaka, ko tā ētahi atu nō mua ake. Ka tae ake anō ētahi mātua e whakaaro noa ana ki te mawehe.

Kua pai noa iho te mawehetanga o ētahi mātua ka tae atu, mō ētahi atu nui tonu te tohetohe, te whawhai nui rānei. I ētahi wā kua tukua rātou ki te hōtaka a ngā tohunga ngaio, a te Kōti ā-Whānau rānei. He haere tūao noa ēnei haerenga.

Mō ngā pakeke anake tēnei hōtaka, ehara mō ngā tamariki.

E tiaki ana te kaiārahi o te hōtaka he maioha, he ngāwari hoki te āhua o te hōtaka. Tērā koe e āhei te mau atu i tētahi hoa tautoko. Pātaitia tō Kaiwhakarato Hōtaka ina whakauru koe.

KA TAE AKE ANŌ TŌKU HOA MAWEHE?

Kāore. He pai tonu kia haere ngā mātua e rua ki tēnei hōtaka, engari i te wā rerekē.

Kua whakaahuatia tēnei hōtaka hei āwhina i a koe me ō tamariki, ehara ia i te hui takawaenga mō ngā tautohe i waenganui i ngā mātua.

Ka taea te whakarite i te kōrero tohutohu ngātahi mā te whakapā ki tētahi Kairuruku o te Kōti ā-Whānau kua whakarārangitia i raro i te 'Justice Ministry – District Court' (Te Tāhū o te Ture –

"He hōtaka nui whakaharahaha."



Kōti ā-Rohe) i ngā whārangi kahurangi o te puka nama waea. E whakaae ana ngā kaitohutohu kia haere ngā mātua ki te hōtaka “Te Tiaki Tamariki ahakoa kua Mawehe”, ki te wā tohutohu hoki.

I te wā ka whakauru koe, whakamōhiohia atu ki te kaiwhakarato hōtaka he rerekē tō ingoa whānau i te ingoa o tō hoa mawehe, kia āhei te kaiwhakarato te tiaki kāore hoki ia e tae ake ki taua hōtaka.

KO WAI NGĀ KAIĀRAHI O NGĀ HŌTAKA?

He hunga kua waia ki te mahitahi me ngā whānau ngā kaiārahi. Ko ētahi o rātou he tāngata ngaio tūwehe, ko ētahi kei te mahi mō ētahi whakahaere. Kua whakaaetia katoa rātou e te Tāhū o te Ture, ā, kei te mahi ā-kirimana hoki mō te Tāhū o te Ture.

HE PĒWHEA TE ROA O TĒNEI HŌTAKA?


Ko te tikanga ka haere te hōtaka mō ngā wāhanga e rua o te rua haora.

KO ĀWHEA TE WĀ TŌTIKA HEI HAERE KI TĒNEI HŌTAKA?

Ki te haere koe ki tēnei hōtaka i te tīmatanga o tō mawehetanga ka pai ake mōu, mō ō tamariki hoki. Kia mahara, ka āhei koe te haere ki te hōtaka ahakoa kei te whakaaro noa koe ki te mawehe.

Ahakoa kua mawehe ngā mātua mō tētahi wā roa, kua ako rātou i ētahi mea i puta mai ai he rerekētanga tino pai.

“He hōtaka tino pai rawa atu, me i mahia e ahau i te tīmatanga o te mawehetanga.”



“Kei te whakawhiwhi ki a koe he tino
māramatanga ki te tikanga whakaaro o
tamariki, kia pēhea e whakangāwari ho
koe te pānga o te mawehetanga ki a rāt



o ō
ki e
tou."



E HOMAI KI A AU HE TOHUTOHU Ā-TURE E TE HŌTAKA?

Kāore, engari ka hoatu ki a koe ētahi pārongo whaitake mō te Kōti ā-Whānau, kia mōhio pai ake koe ki ngā mea me manakohia i tētahi rōia ā-whānau.

"He mea tino whakamōhio tonu itemea e haerea nei e au te Kōti ā-Whānau i tēnei wā tonu."

TAE PĒHEA AHAU KI TĒTAHI HŌTAKA?

Kei te whakahaeretia te hōtaka i ētahi takiwā 170 huri noa i te motu, otirā i te nuinga o ēnei takiwā kei te whakahaeretia ia marama he hōtaka kotahi, e rua rānei.

Ko tāu, he waea noa ki te whakauru. Kāore he utu o te hōtaka, o ngā rauemi anō e mauria e koe ki te kāinga.

Hei mōhio ko wai ngā kaiwhakarato hōtaka i tō takiwā: Waea **0800 211 211**

Haere rānei ki www.justice.govt.nz/family

Pārongo Kaiwhakarato